



a cura di Isabella Descalzo

Pierluigi Brandolini (a cura di), *Studi costieri – Dinamica e difesa dei litorali – Gestione integrata della fascia costiera* –N. 22/2014 - Contributi scientifici in ricordo di Remo Terranova, Gruppo Nazionale per la Ricerca sull’Ambiente Costiero, Firenze, pagg. 272

A scià Maria, vidoa do Remo Tæraneuva ch’o l’ea söccio da Compagna, a l’à vosciu regalà a-a nòstra biblioteca questo volumme into quæ gh’è ’n ricordo do màio, profesò de geologia a l’Unverscitæ de Zena, e diversci contributi rigoardanti e còste da nòstra region: da quelle do monte de Pòrtofin a quelle de Finâ, da Arâsce (Alassio) a-e *falesie* tra Zena e Camoggi, e pöi o litorale de Pêgi e Sestri Ponente. En travaggi scientifici, studdi universcitai con grâfichi e tabelle, interessanti sorviatutto pe chi gh’à za ’n pö de preparaçion in materia, ma e fotografie pàrlan a tutti.



Università degli Studi di Genova, *Città e Ateneo – Palazzi dei Rolli e sedi dell’Università, De Ferrari, Genova 2015, pagg. 64*

Quande se pensa a l’Unverscitæ de Zena se pensa a via Balbi, perché a l’è li da-o ’600 e li gh’è o Magnifico Retò, ma inti secoli a s’è ben ben alargà inte di atrì palassi de quella stradda e in atre zòne da çitæ.

Questa goidda a da ’na breve descriçion de sedi ciù inportanti pe-o valò stòrico e architetonico: pe-o ciù gh’intra solo profesoi e studenti, e questi urtimi a quell’etæ no dan goæi a mente a dove s’atreuvan, e donca en pòsti sconosciui a-i ciù tanti zeneixi.

Con questo libretto inte man se peu comensâ a vixitàle

unn-a pe unn-a, anche pe conosce ciù da-a vixin quello che fa a nòstra Unverscitæ: semmo tutti invitæ, comme dixè, a-a fin de l’introduçion, o profesò Magnani.



Ember ARs Studio, *Discovery Genova – Centro Storico - Old Town, Genova 2015*

Questo o no l’è ’n libbro, o l’è ’na cartinn-a a colori do centro de Zena, studiâ pe fâ capî ben a-i turisti (e a-i zeneixi) cöse vâ a penn-a de vedde. O studio ch’o l’è creâ o l’àiva parteçipòu a ’n bando do Comune pe-a promoçion da çitæ e o ghe l’è missa pròpio tutta pe fâ stâ o ciù possibile inte ’n feuggio 87x 48. Ghe l’an fæta: a piantinn-a a l’è bèlla ciæa e preciza, palassi e gexe en disegnæ inte træ dimenscioin comme visti da l’èrto e gh’è indicòu e descrito sei percorsi pe già o Centro Stòrico senza pèrdise ninte (e senza pèrdise...).

Scicomme òramai gh’an tutti l’Internet in sciò telefonin, gh’è colegòu in scito asci, www.discoverygenova.it/, dove trovâ façilmente tutte e atre notiçie che gh’è de sòlito inte goidde.



Maria Grazia Daniele, *Doppio percorso – Musica e politica in famiglia, De Ferrari, Genova 2015, pagg. 160*

L’aotrice, partindo da-a gavetta, a l’è fæto ’na bèlla carriera politica finn-a a èse senatrice. Quand’a l’è incomensòu, zoveniscima, a l’àiva doe pascioin, a politica e o canto, e pe ’n pö a l’è çercòu de tegnile insemme, ma pöi a l’è